



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14), člana 27. Pravilnika o javnim nabavkama Javne ustanove za predškolski odgoj i obrazovanje „Naše dijete“ Tuzla, a na prijedlog Komisije za javne nabavke, direktor Ustanove donio je sljedeću

ODLUKU

o izboru najpovoljnijeg ponuđača

I

Kao najpovoljniji ponuđač u postupku nabavke motoričkih igračaka (LOT 1) za potrebe JU „Naše dijete“ Tuzla, provedenog putem konkurentskog zahtjeva za dostavljanje ponuda, izabran je „Flex invest“ d.o.o. Sarajevo.

II

Zadužuje se stručni saradnik za poslove javnih nabavki da obavijesti sve ponuđače o izboru najpovoljnijeg ponuđača iz člana I ove odluke.

III

Zadužuje se Služba za pravne, kadrovske i opće poslove da pripremi sve predušlove za zaključenje ugovora sa izabranim ponuđačem po proteku predviđenih zakonskih rokova i procedura.

IV

Vrijednost ove nabavke iznosi 7.161,80 KM bez PDV-a i ista se neznatno prelazi procijenjenu vrijednost nabavke iz Plana nabavki za 2020. broj 04-143-1/2020, red. br. robe 16., šifra JRJN za ovaj LOT 37520000-9.

V

Odluka stupa na snagu danom donošenja.

OBRAZLOŽENJE

Na osnovu Zahtjeva za pokretanje postupka javne nabavke br. 01-11-2423-1/2020, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-11-2423-2/2020 od 29.06.2020. godine. Postupak je objavljen na Portalu javnih nabavki BiH broj obavještenja 1194-7-1-24-3-13/20 od 12.08.2020. godine, a poziv za preuzimanje tenderske dokumentacije sa Portala javnih nabavki je upućen privrednim subjektima: „Top sport“ d.o.o. Bijeljina, „Flex invest“ d.o.o. Sarajevo i „Fun design“ d.o.o. Sarajevo, dok je predmetnu tendersku dokumentaciju u sistemu „E-nabavke“ preuzelo 9 (devet) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. 01-202-1/2020 od 17.01.2020. god., konstatovala je da je ponudu predalo 2 (dva) ponuđača: „Flex invest“ d.o.o. Sarajevo – broj protokola 01-11-2675-1/20 i „Top sport“ d.o.o. Bijeljina – broj protokola 01-11-2681-1/20.

Komisija je izvršila otvaranje, pregled i ocjenu primljenih ponuda i utvrdila sljedeće:

- blagovremeno je ponudu predalo 2 ponuđača: „Flex invest“ d.o.o. Sarajevo i „Top sport“ d.o.o. Bijeljina;
- nije bilo neblagovremenih ponuda;
- ponuda ponuđača „Top sport“ d.o.o. Bijeljina je ocijenjena neprihvatljivom iz sljedećih razloga:
a) navedeni ponuđač je na strani 8 svoje ponude dostavio *Izjavu o garantnom roku* u kojoj je naveo da za predmetnu robu daje garanciju od 12 mjeseci, a u tački 2.6. tenderske dokumentacije je



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

navedeno da „ponuđač daje garanciju na isporučenu robu sa vremenskim trajanjem od minimalno 24 (dvadeset i četiri) mjeseca, računajući od trenutka zapisničke primopredaje robe“;

b) u cilju dokazivanja zahtjeva iz tačke 3.2.2. tenderske dokumentacije, ponuđač je dostavio uopštene certifikate od strane proizvođača iako u navedenoj tački stoji: „Ponuđači su obavezni dostaviti tražene certifikate za svaki proizvod koje nude na način da je iz certifikata jasno vidljivo na koji proizvod se certifikat odnosi.“ Iz dostavljenih certifikata je nejasno da su ponuđeni proizvodi proizvodi nosilaca certifikata i na koje se tačno proizvode certifikati odnose.

c) u obrascu za cijenu ponude nisu ponuđene sve stavke u skladu sa zahtjevima traženim u tenderskoj dokumentaciji. Naime, u stavci br. 2 obrasca se tražio veliki senzomotorički haksagon, a ponuđač je ponudio proizvod koji ne odgovara traženim zahtjevima. Nadalje, u priloženim opisima za stavke br. 3 i br. 5. nisu navedene kompletne dimenzije ponuđenih proizvoda, a za stavku br. 7 je ponuđen proizvod koji nema pertlice iz čega je vidljivo da navedeni proizvod ne ispunjava uslove navedene u tenderskoj dokumentaciji. Zbog svega navedenog, u skladu s članom 68. stav (4) tačka i) Zakona o javnim nabavkama BiH, ponuda ponuđača „Top sport“ d.o.o. Bijeljina je ocijenjena neprihvatljivom;

- ponuda ponuđača „Flex invest“ d.o.o. Sarajevo ispunjava sve uslove tražene tenderskom dokumentacijom i ista je ocijenjena prihvatljivom;

- u tenderskoj dokumentaciji je predviđeno provođenje e-aukcije, u skladu sa Pravilnikom o uslovima i načinu korištenja e-aukcije (Sl. list BiH broj 66/16 od 06.09.2016. godine), ali s obzirom da je pristigla samo jedna prihvatljiva ponuda, planirana e-aukcija nije zakazivana, nego je postupak okončan u skladu s članom 69. stav (1) tačka a).

U postupku donošenja ove odluke, posebno su cijanjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. S obzirom da najpovoljnija ponuda neznatno prelazi iznos procijenjene vrijednosti i da je Rukovodilac ekonomsko-finansijske službe dostavio akt br. 01-11-2423-6/2020 u kojem potvrđuje da nedostajući iznos Ustanova ima na raspolaganju, ugovorni organ je prihvatio preporuku Komisije za nabavke i odlučeno je kao u dispozitivu.

Pouka o pravnom lijeku:

Protiv ove Odluke može se uložiti žalba Uredu za razmatranje žalbi putem ugovornog organa, u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3. Ponuđač je dužan dostaviti žalbu u dovoljnom broju primjerka.

DOSTAVLJENO:

1. Ponuđačima x 2
2. Spis
3. A/a



DIREKTOR

Karić Sanja, dipl. iur /

Broj: 01-11-2423-9-1/2020

Tuzla, 16.09.2020. godine